



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ԲՈՂՈՔԱՐԿՄԱՆ ԽՈՐՀՈՒՐԴ

ք. Երևան

22.03.2018թ.

Ո Ր Ո Շ ՈՒ Մ

ՀՀ գնումների բողոքարկման խորհրդի
թիվ ՍՑ-ԱՄ-2018/02

ՀՀ գնումների բողոքարկման խորհուրդը (այսուհետ նաև՝ Խորհուրդ) ուսումնասիրելով ՀՀ ֆինանսների նախարարության 10.01.2018թ. թիվ 03/26-3/167-18 գրությամբ «Էյրենա» ՍՊԸ-ին (այսուհետ նաև՝ Ընկերություն) գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված պաշտոնական ընթացակարգով ներկայացված հիմքերը, պարզեց հետևյալը.

1. ՀՀ ֆինանսների նախարարության ներկայացրած փաստերը և պահանջը

ՀՀ ֆինանսների նախարարությունը, ՀՀ պաշտպանության նախարարության (այսուհետ՝ Պատվիրատու) 28.12.2017թ. թիվ ԴՎԱ/4981 գրության հիման վրա, 10.01.2018թ. թիվ 03/26-3/167-18 գրությամբ Խորհրդում նախաձեռնել է «Էյրենա» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում (այսուհետ՝ Ցուցակ) ներառելու պաշտոնական ընթացակարգ:

2. «Էյրենա» ՍՊԸ-ի ներկայացրած փաստարկները և դիրքորոշումը

ՀՀ գնումների բողոքարկման խորհուրդը 15.01.2018թ. թիվ ԳԲԽ-ՄԱ/1/348-18 գրությամբ կարծիք ստանալու նպատակով դիմել է «Էյրենա» ՍՊԸ-ին, սակայն վերջինս դիրքորոշում չի ներկայացրել խորհրդին:

Ընկերությունը, պատշաճ ծանուցված լինելով խորհրդի 17.01.2018թ. ժամը 11:00-ի նիստի վերաբերյալ, չի ապահովել իր ներկայացուցչի մասնակցությունը:

3. ՀՀ պաշտպանության նախարարության կողմից ներկայացրած փաստարկները և դիրքորոշումը

ՀՀ պաշտպանության նախարարությունը (այսուհետ նաև՝ Պատվիրատու) 28.12.2017թ. թիվ ԴՎԱ/4981 գրությամբ հայտնել է, որ ՀՀ պաշտպանության նախարարությունը, հիմք ընդունելով ՀՀ պաշտպանության նախարարության և «Էյրենա» ՍՊԸ-ի միջև 23.05.2017թ. կնքված «ՇՀԱՊՁԲ-9/2-1» ծածկագրով գնման պայմանագրի 3.1.7 կետը, 3.1.7.1 կետի «բ» ենթակետը, ՀՀ պաշտպանության նախարարությունը 2017թ. դեկտեմբերի 21-ից միակողմանի ամբողջությամբ լուծել է վերը նշված պայմանագիրը:

Միաժամանակ Պատվիրատուն հայտնել է, որ վերոնշյալ պայմանագրի լուծման վերաբերյալ գրությունը 28.12.2017թ. ուղարկվել է մասնակցի պաշտոնական էլեկտրոնային փոստի հասցեով և նույն օրը հրապարակվել է www.gnumner.am հասցեով ինտերնետային կայքում:

Պատվիրատուն, պատշաճ ծանուցված լինելով խորհրդի 17.01.2018թ. ժամը 11:00-ի նիստի վերաբերյալ, չի ապահովել իր ներկայացուցչի մասնակցությունը:

4. ՍՑ-ԱՄ-2018/02 պաշտոնական ընթացակարգի քննության համար էական նշանակություն ունեցող փաստերը

ՍՑ-ԱՄ-2018/02 պաշտոնական ընթացակարգի քննության համար էական նշանակություն ունեն հետևյալ փաստերը՝

1. ՀՀ պաշտպանության նախարարության և «Էյրենա» ՍՊԸ-ի միջև 23.05.2017թ. կնքվել է «ՇՀԱՊՁԲ-9/2-1» ծածկագրով ապրանքի մատակարարման պետական գնման պայմանագիր:

2. Պայմանագրի 1-ին կետի 1.1 ենթակետի համաձայն՝ Վաճառողը (տվյալ դեպքում՝ «Էյրենա» ՍՊԸ-ն) պարտավորվում է սույն պայմանագրով սահմանված կարգով, ծավալներով և գնման ժամանակացույցով նախատեսված ժամկետներում՝ (Հավելված N 2) Գնորդին կամ նրա կողմից որոշված Ստացողին մատակարարել Պայմանագրի N 1 Հավելվածով՝ Տեխնիկական բնութագրով նախատեսված ապրանքներ, իսկ Գնորդը պարտավորվում է ընդունել այդ Ապրանքը և վճարել դրա համար (Հավելված N 3):

3. Պայմանագրի 3.1 կետի 3.1.1 ենթակետի համաձայն՝ Գնորդն իրավունք ունի Ապրանքը Պայմանագրով սահմանված ժամկետում Վաճառողի կողմից չմատակարարելու դեպքում հրաժարվել ապրանքից, եթե մատակարարման ժամկետները խախտվել են 30 օրից ավելի:

4. Պայմանագրի 3.1.7 կետը սահմանում է, որ Գնորդն իրավունք ունի միակողմանի լուծել Պայմանագիրը (լրիվ կամ մասնակի), եթե Վաճառողն էականորեն խախտել է պայմանագիրը:

5. Նույն կետի 3.1.7.1 ենթակետի համաձայն՝ Վաճառողի կողմից Պայմանագիրը խախտելն էական է համարվում, եթե՝

ա) մատակարարվել է անպատշաճ որակի Ապրանք, որը չի կարող փոխարինվել Գնորդի համար ընդունելի ժամկետում.

բ) Ապրանքի մատակարարման ժամկետները խախտվել են 30 օրից ավել:

5. Խորհրդի հիմնավորումները և եզրահանգումը

Խորհուրդն, ուսումնասիրելով ՀՀ ֆինանսների նախարարության 10.01.2018թ. թիվ 03/26-3/167-18 գրությունը, ՀՀ պաշտպանության նախարարության 28.12.2017թ. թիվ ԴՎԱ/4981 գրությունը՝ կից փաստաթղթերով, հայտնում է հետևյալը.

ՀՀ քաղաքացիական օրենսգրքի 345-րդ հոդվածի 1-ին մասի համաձայն պարտավորության ուժով մի անձը (պարտապանը) պարտավոր է մեկ այլ անձի (պարտատիրոջ) օգտին կատարել որոշակի գործողություն. այն է՝ վճարել դրամ, հանձնել գույք, կատարել աշխատանք, մատուցել ծառայություն և այլն, կամ ձեռնպահ մնալ որոշակի գործողություն կատարելուց, իսկ պարտատերն իրավունք ունի պարտապանից պահանջել կատարելու իր պարտականությունը:

ՀՀ քաղաքացիական օրենսգրքի 408-րդ հոդվածի համաձայն՝ **«Պարտավորության խախտում է համարվում այն չկատարելը կամ անպարշաճ** (կետանցով, ապրանքների և ծառայությունների թերություններով կամ պարտավորության բովանդակությամբ որոշվող այլ պայմանների խախտմամբ) **կատարելը»:**

ՀՀ քաղաքացիական օրենսգրքի 466-րդ հոդվածի 3-րդ մասի համաձայն՝ **պայմանագիրը լրիվ կամ մասնակի կատարելուց միակողմանի հրաժարվելու դեպքում երբ պայմանագրից հրաժարվելը թույլատրվում է օրենքով կամ կողմերի համաձայնությամբ, պայմանագիրը համապարասխանաբար համարվում է լուծված** կառավարության փոփոխված:

«Գնումների մասին» ՀՀ օրենքի (2017 թվականի ապրիլի 25-ի ՀՕ-21-Ն օրենք) 57-րդ հոդվածի 3-րդ մասի համաձայն՝ սույն օրենքի պահանջները չեն տարածվում մինչև նույն օրենքն ուժի մեջ մտնելն սկսած և չդադարած, ինչպես նաև կնքված և գործող գնման գործարքների վրա, իսկ դրանց հետ կապված հարաբերությունները կարգավորվում են այլ գործարքների կնքման պահին գործող իրավական ակտերով:

2010 թվականի դեկտեմբերի 22-ի «Գնումների մասին» ՀՀ օրենքի (այսուհետ նաև Օրենք) 5-րդ հոդվածի 1-ին մասի 4-րդ «ա» ենթակետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում:

եթե հայտը ներկայացնելու պահին նախորդող տարվա ընթացքում ավելի քան մեկ անգամ խախտել է պայմանագրով նախատեսված կամ գնման գործընթացի շրջանակում ստանձնած պարտավորություն, որը հանգեցրել է պատվիրատուի կողմից պայմանագրի միակողմանի լուծարմանը կամ գնման գործընթացին տվյալ մասնակցի հետագա մասնակցության դադարեցմանը:

ՀՀ պաշտպանության նախարարության և «Էյրենա» ՍՊԸ-ի միջև 23.05.2017թ. կնքվել է «ՀՀԱՊՁԲ-9/2-1» ծածկագրով ապրանքի մատակարարման պետական գնման պայմանագիր:

Պայմանագրի 1-ին կետի 1.1 ենթակետի համաձայն՝ Վաճառողը (տվյալ դեպքում՝ «Էյրենա» ՍՊԸ-ն) պարտավորվում է սույն պայմանագրով սահմանված կարգով, ծավալներով և գնման ժամանակացույցով նախատեսված ժամկետներում՝ (Հավելված N 2) Գնորդին կամ նրա կողմից որոշված Ստացողին մատակարարել Պայմանագրի N 1 Հավելվածով՝ Տեխնիկական բնութագրով նախատեսված ապրանքներ, իսկ Գնորդը պարտավորվում է ընդունել այդ Ապրանքը և վճարել դրա համար (Հավելված N 3):

Պայմանագրի 3.1 կետի 3.1.1 ենթակետի համաձայն՝ Գնորդն իրավունք ունի Ապրանքը Պայմանագրով սահմանված ժամկետում Վաճառողի կողմից չմատակարարելու դեպքում հրաժարվել ապրանքից, եթե մատակարարման ժամկետները խախտվել են 30 օրից ավելի:

Պայմանագրի 3.1.7 կետը սահմանում է, որ Գնորդն իրավունք ունի միակողմանի լուծել Պայմանագիրը (լրիվ կամ մասնակի), եթե Վաճառողն էականորեն խախտել է պայմանագիրը:

Նույն կետի 3.1.7.1 ենթակետի համաձայն՝ Վաճառողի կողմից Պայմանագիրը խախտելն էական է համարվում, եթե՝

ա) մատակարարվել է անպատշաճ որակի Ապրանք, որը չի կարող փոխարինվել Գնորդի համար ընդունելի ժամկետում:

բ) Ապրանքի մատակարարման ժամկետները խախտվել են 30 օրից ավել:

Պատվիրատուն գրությամբ Ընկերությանը հայտնել է, որ հիմք ընդունելով Պայմանագրի 3.1.7 կետը, 3.1.7.1 կետի «բ» ենթակետը՝ ՀՀ պաշտպանության նախարարությունը 2017թ. դեկտեմբերի 21-ին միակողմանի ամբողջությամբ լուծում է «ՀՀԱՊՁԲ-9/2-1» ծածկագրով պայմանագիրը:

Պայմանագրի 3.1.7 կետը սահմանում է, որ Գնորդն իրավունք ունի միակողմանի լուծել Պայմանագիրը (ընդ կամ մասնակի), եթե Վաճառողն էականորեն խախտել է պայմանագիրը:

Նույն կետի 3.1.7.1 ենթակետի համաձայն՝ Վաճառողի կողմից Պայմանագիրը խախտելն էական է համարվում, եթե՝

ա) մատակարարվել է անպատշաճ որակի Ապրանք, որը չի կարող փոխարինվել Գնորդի համար ընդունելի ժամկետում.

բ) Ապրանքի մատակարարման ժամկետները խախտվել են 30 օրից ավել:

Այսպիսով, Խորհուրդը գտնում է, որ «Էյրենա» ՍՊԸ-ն թույլ է տվել ՀՀ պաշտպանության նախարարության և «Էյրենա» ՍՊԸ-ի միջև կնքված «ՇՀԱՊՁԲ-9/2-1» ծածկագրով ապրանքների մատակարարման պետական գնման պայմանագրով նախատեսված պարտավորության խախտում, որի հետևանքով Պատվիրատուն 2017թ. դեկտեմբերի 21-ին Պայմանագիրը միակողմանի ամբողջությամբ լուծել է:

Միևնույն ժամանակ Խորհուրդն արձանագրում է, որ ՀՀ գնումների բողոքարկման խորհուրդը 21.11.2017թ. թիվ ՍՑ-ԱՄ-2017/70 որոշմամբ գտել էր, որ «Էյրենա» ՍՊԸ-ն թույլ էր տվել ՀՀ պաշտպանության նախարարության և «Էյրենա» ՍՊԸ-ի միջև կնքված «ՇՀԱՊՁԲ-9/2-1» ծածկագրով պայմանագրով նախատեսված պարտավորության խախտում, քանի որ Պայմանագրի հավելված 1-ի համաձայն՝ Ընկերության կողմից չէր մատակարարվել 2-րդ եռամսյակով նախատեսված հակաբակտերիալ միջոցներ՝ պարբերական օգտագործման համար «Պեֆլոքսացին» 5000 դեղահատ ապրանքատեսակը, որի մասով ՀՀ պաշտպանության նախարարությունը 2017թ. հոկտեմբերի 10-ին միակողմանի մասնակի էր լուծել «ՇՀԱՊՁԲ-9/2-1» ծածկագրով պայմանագիրը:

Այսպես, Օրենքի 5-րդ հոդվածի 1-ին մասի 4-րդ «ա» ենթակետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, **եթե հայտը ներկայացնելու պահին նախորդող տարվա ընթացքում ավելի քան մեկ անգամ խախտել է պայմանագրով նախատեսված պարտավորություն, որը հանգեցրել է պատվիրատուի կողմից պայմանագրի միակողմանի լուծարմանը:**

Ամփոփելով վերոգրյալը, Խորհուրդն արձանագրում է, որ **«Էյրենա» ՍՊԸ-ն մեկ փարվա ընթացքում ավելի քան մեկ անգամ խախտել է պայմանագրով նախատեսված պարտավորություն, որը հանգեցրել է պարվիրատուի կողմից պայմանագրի միակողմանի լուծարմանը:**

Միևնույն ժամանակ, Օրենքի 5-րդ հոդվածի 1-ին մասի 4-րդ կետով նախատեսված՝ գնումների գործընթացին մասնակցելու իրավունք չունեցող մասնակիցների ցուցակում մասնակցին ներառելու համար **պարտադիր և միաժամանակյա առկա հիմքերն են՝**

- նույն կետի «ա» ենթակետերով նախատեսված և մասնակցին վերագրվող խախտման առկայությունը,

- խախտումը թույլ տալու պահից մեկ փարվա ընթացքում մասնակցի կողմից մրցակցային գործընթացին մասնակցելու համար հայտ ներկայացրած լինելու հանգամանքը:

Հետևաբար, Օրենքի 5-րդ հոդվածի 1-ին մասի 4-րդ կետով նախատեսված՝ գնումների գործընթացին մասնակցելու իրավունք չունեցող մասնակիցների ցուցակում «Էյրենա» ՍՊԸ-ին ներառելու համար անհրաժեշտ է, որ նույն կետով սահմանված և **վերջինիս վերագրվող խախտումը թույլ տալու պահից մեկ փարվա ընթացքում Ընկերությունը մասնակցած լինի գնման որևէ գործընթացին և ներկայացրած լինի հայտ, քանի որ օրենքի նշված նորմի համաձայն՝ մասնակիցն ընդգրկվում է նշված ցուցակում, եթե վերագրվող խախտումը կատարվել է հայտը ներկայացնելու պահին նախորդող տարվա ընթացքում:**

Այսպիսով, Խորհուրդն արձանագրում է, որ Ընկերության վերաբերյալ դեռևս առկա է Ցուցակում ներառելու միայն մեկ հիմքը, այն է՝ **Օրենքի 5-րդ հոդվածի 1-ին մասի 4-րդ կետի «ա» ենթակետով նախատեսված և վերջինիս վերագրվող խախտման առկայությունը**, քանի որ սույն որոշումը կայացնելու օրվա դրությամբ չկա որևէ տեղեկատվություն «Էյրենա» ՍՊԸ-ի կողմից խախտումը թույլ տալու օրվանից՝ 10.10.2017թ.-ից հաշված մեկ տարվա ընթացքում հայտ ներկայացնելու վերաբերյալ:

«Էյրենա» ՍՊԸ-ին Ցուցակում ներառելու մասին որոշումը կարող է կայացվել միայն երկրորդ պարտադիր հիմքի՝ **խախտումը թույլ տալու պահից մեկ փարվա ընթացքում մասնակցի կողմից հայտ ներկայացնելու հանգամանքի** ի հայտ գալու պայմաններում:

Հաշվի առնելով վերոգրյալը, խորհուրդը գտնում է, որ ՀՀ ֆինանսների նախարարության 10.01.2018թ. թիվ 03/26-3/167-18 գրությամբ ներկայացված «Էյրենա» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու հիմքեր առկա չեն:

Ելնելով վերոգրյալից և ղեկավարվելով «Գնումների մասին» ՀՀ օրենքի 48-րդ հոդվածի 6-րդ մասի 7-րդ կետով՝ ՀՀ գնումների բողոքարկման խորհուրդը

Ո Ր Ո Շ Ե Ց

ՀՀ ֆինանսների նախարարության 10.01.2018թ. թիվ 03/26-3/167-18 գրությամբ «Էյրենա» ՍՊԸ-ին (ՀՎՀՀ՝ 2634049190) գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված պաշտոնական ընթացակարգը մերժել:

ՀՀ գնումների բողոքարկման խորհրդի որոշումն իրավապարտադիր է:

ՀՀ գնումների բողոքարկման խորհրդի որոշումը կարող է բողոքարկվել դատական կարգով:

ՀՀ գնումների բողոքարկման
խորհրդի անդամ՝



ՄՀԵՐ ԱՆԱՆՅԱՆ